

Jch Heinrich ze nidrest in dien zitten Land amman ze vnderwalden nid dem wald vergich offentlich mit dissem brief d(a)z ich ze stancz in dem dorff an gewonlicher Richttstatt offentlich Richt vnd da fur mich kam Heinrich gogenhusser vnd offnett da vor mir dur sinen fursprechen der im von mir Erlöbtt w(a)z vnd sprach d(a)z er Ettw(a)z sachen im Rechtten ze schaffen hab dar vmb er Ettw(a)z kuntschafft notturfutig(lichen) sy mit sunderheytt so begertt er d(a)z man vlin Hurschler vnd Ernin sin bruder ... ((3 Worte gestrichen)) dar zu wisstij d(a)z sy im der warheitt ein kuntschafft gebin sytt nu nieman dem andren der warheytt vor sin sol do gab dar vf vrttel d(a)z ich inen gebeütten soltt d(a)z sy im der warheytt ein kuntschafft gebein nieman ze Lieb noch ze Leyd den dur des Rechtten willen

dar vf stünt dar vly Hurschler vnd rett d(a)z sich in dissem wintter Hab gefüggt d(a)z Heinrich gogenhusser sy kon gan vnderwalden zü im vnd Hab mit im gerett von Heinnin ze beren knaben die sollin im geltten Er welly sy bitten d(a)z sy im anken gebin ie nach vil wortten so hant sy geantwurt sy habin kein ie do ich hein kann do schneitt ich ein ballen anken enzwey vnd schiktt die zu mins brudren Hus der woltt gan Lutzern vnd hiess den d(a)z er den anken Heinrich gogenhusser gebij der im alwegen schloss vnd anders gebn asso hab sin bruder d(a)z asso getan vnd hab den anken asso vsslyn geführt do er gan Lutzern kam do rett ernnij Hurschler zu sinen gesellen min bruder hatt mir Ein halbn ballen gen die solt ich sim schlosser gen so weyss ich nut wellen Es ist do kam einer an den mergtt do retten sy da kunt ein schlosser Es ist Lichtter der asso nam er do den anken vnd sprach er ist mir Ettw(a)z schuldig(.) er hatt mir den anken Lichtter dar an geschiktt asso wegij er do den anken vnd drügij en Enweg (.) do dem nach wartt do kam gogenhussers fröw vnd sprach du hasst den anken nut dem Rechtten geben asso sprach ich do so gang vnd heyss dier den anken wider gen dar vff rett ane vly Hurschler vnd sprach d(a)z er wüssij d(a)z er im ut schuldig sy d(a)z wüssy er nut dar vff stünden sy dar vnd schwor ir iettwedra fur sich selben w(a)z er gerett vnd gezugett hettij d(a)z es asso gangen vnd ein warheytt wer (.) des batt Heinrich gogenhusser vmb ein vrkunt d(a)z selb im bekent wart etc vnd waren da bij zugen Ernin sutter Heinnij druttman vly mullyman Jost ze brunen vnd ander Erber Lutten vil vnd des ze einem waren vrkunt so han ich obgenantter Land amman Min eigen insigel offentlich getruktt in dissen brief von Erkanthus wegen Miner Heren doch mir vnd Minen erben an schaden der geben ist an Menttag vor mertzen in Dem jar do mal zalt von Crystus geburt fier zechen Hundert Jar funfzig vnd dar Nach in dem achdenden ((sic!)) Jar etc